

سنه : ۳


۳۰ ايلول ۱۳۳۶

عدد : ۳۱



تاریخ وادستان

۱۳۳۶ هـ



برکون بیلنبر فیستی مجموعہء ملک اما
پاک چوق آرا ایراور تہ دہ مجموعہء بولنیز

ایتدک شرف خدمت اجدادی فراموش
آثارینہ اسلافنک رغبت اولنیز

خاندان معظم سلطنت عثمانیه عائد بعض ولادت مسعوده تاریخلری

شہزادہ نجابت پیرا عبدالرحیم افندی حضرت تلیرنیک بردخترماہ پیکر
نجابت پناہیلری کھوارہ زیب ولادت اولدقلرندن معارف نظارت جلیله سی
ایستاتستیق قلمی مدیری شاعر بلاغت پرور جمیل بک افندی کوزل
بر تاریخ انشاد ایتمشلر . بونی غزته مزہ درج ایله تزین صحائف ایدہ جکمز
صرمدہ خاطر چا کری یه خطور ایلدی که پادشاه زمان ولی نعمت بی امتنان
پادشاهمز سلطان محمد وحیدالدین خان افندمز حضرت تلیرنیک بوندن
طقوز سنہ اول شہزادہ عالی شانلری ارطغرل افندی حضرت تلیری مہد آرای
ولادت اولدقلری ائنادہ بر اقشام بر مسیره دہ او طور ییوردم . یانمہ بر
ذات کلدی . حضرت شہزادہ ایچون اوچ کوندردوشونبورم بر تاریخ
دوشورہ مدم دیدی . بو عبد فقیردہ بلا توقف بوندہ دوشونہ جک نہ واردرد
« شہزادہ مز ارطغرلی مسعود ایدہ مولا »

دیرسک مجوہر بر تاریخ اولور کیدر دیدم . او ذات تعداد ایتدی
درد فضلہ کلدی دیدی . اوّل مصراعنی (سرتاج دعا چیقدی بو
تاریخ مجوہر) دیرسک دعوات یمن افزایی حاوی ولطیف تعمیہ لی ،
شاهانہ بر تاریخ اولور دیدم . شوناریخ بیٹی کوزل اولدی ، بونک اوست
طرفہ بر قاچ بیت دہا لازم دیدی . آرنق آ کلادم سن بکا بر تاریخ
یازدیرہ جقسک دیدم بولندیغمز محل پک غلبہ لک ایدی . بن سویلہ یم
سن یاز دیدم . شو بش بیتلی بر تاریخ دلارا میدانہ کلدی . مخلصمی
وضع ایتدم سن کندی نامنہ تقدیم ایت دیدم . تذهیب ایتدیروب ہم
نامنہ تقدیم ایدرک احسان عال العالہ نائل اولدیغنی کلوب مع التشکر
حکایہ ایلشدی . ایشتہ بو محله او تاریخی بعدہ جمیل بک افندینک (۱)

(۱) جمیل بک افندینک بر تاریخ نادرالامثالہ دہ ولی نعمت بیتمز پادشاهمز
افندمز حضرت تلیرنیک کریمہ ہفت وسیہ لری سلطان حضرت تلیرلہ ولی عہد سلطنت

شهزاده عبدالرحيم افندی حضرت تالرينك كريمة ميمنت اقترانلری حقنده کی
تاریخ دلارای درج ایله تزیین زبان درود و دعا ایلرز . [۲]



مخدوم جلیل حضرت پادشاهی شهزاده جوانبخت ارطغرل
افندی حضرت تالرينك تاریخ ولادت مسعودانه لری

شهزاده سلطان مجید خان کزیندر
شنقته نجابتله پسندیده دنیا

اول ذات وحیده او کریمکار نجیبه
لطف ابتدی خدا یمن ایله شهزاده یکتا

ابتدی بو وسیله یله او شهزاده عالی
جده شرف افزالرينك نامنی احیا

مسرور و معمر اوله لر والد و مولود
یارب بحق شرف حضرت طه

سرتاج دعا چیقدی بو تاریخ مجوه
شهزاده من ارطغرلی مسعود ایده مولا

سنه ۱۳۳۰

عبدالمجید افندی حضرت تالرينك مخدوم نجابتیناهیلری فاروق افندی حضرت تالرينك
عقد متین ازدواجلری حقنده در . او تاریخ غده جموعه مزك ۲۷ نجی نومرولی
نسخه سنده نقش طراز سطور مفخرتدر .

[۲] شهزاده جوان بخت عبدالرحیم افندی حضرتلری تأسیس کرده
چا کرانه بولنان ملت کتبخانه سنی زیارت خصوصنده مسابقت نمای شهزادگان
اولان شهزاده معارف پرورد که کتبخانه مزك کرک خاندان سلاطین آل عثمانه
عائد موزه قسمی و کرک سائر دائره لرینی یکان یکان زیارت واوزون مدت
تدقیقات عالمانه اجرا بیورمشرلدرد .